

**ACTA DERA SESSION ORDINÀRIA
DETH PLEN DETH CONSELH DE DATA 22 DE HEREUÈR DE 2006**

Assistissen:

Sindic d'Aran,

Mgfc. Sr. Carlos Barrera Sánchez.

Conselhèrs,

Mgfc. Sr. Francesc Medan Juanmartí,

Mgfc. Sr. Víctor León Plana,

Mgfc. Sr. Francesc Vidal Vergés,

Mgfca. Sra. Mercedes Delaurens Deó,

Mgfc. Sr. Arturo Sánchez Farré,

Mgfc. Sr. Francés Boya Alòs,

Mgfc. Sr. Rufino Martínez Cau,

Mgfc. Sr. Antonio Asensio Pujol,

Mgfc. Sr. Hipólito Cruces Socasau,

Mgfc. Sr. Manel Rocher González e,

Mgfc. Sr. Emili Sanllehy Meya.

Secretària,

Sra. Anna Llinàs Rovira.

En Arròs, a vint-e-dus de hereuèr de dus mil sies, en tot èster es dotze ores e dètz minuts, s'amassen ena sala de sessions dera Casa deth Senhor d'Arròs, abilitada ar efècte coma Sala de Plens, es membres nomentadi en marge, en tot desencusar-se d'assistir eth conselhèr Mgfc. Sr. Joan Estévez Sans.

Er objècte dera reünion ei celebrar Session Ordinària deth Plen deth Conselh Generau d'Aran en prumèra convocatòria e, un viatge comprovat pera secretària era existència de quòrum de besonh entà que pogue començar, ac comuniquè ath sindic que la declare dubèrta e publica e se procedís a balhar compde des següents punts der Orde deth dia:

1èr.- APROBACION, SE PROCEDÍS, DES ACTES DES SESSIONS ANTERIORES.-

Declarat dubèrt er acte peth sindic e en tot auer-se procedit cossent damb er article 110.3 deth Decrèt legislatiu 2/2003, de 28 d'abriu, peth quau s'apròve eth Tèxte rehonut dera Lei Municipau e de Regim Locau de Catalunya, se dan per liejudes es actes corresponents ara session ordinària de 21 de deseme de 2005 e ara session extraordinària de 27 de gèr de 2006.

Pren era paraula eth conselhèr Mgfc. Sr. Rufino Martínez Cau entà demanar ara secretària que tracte d'auer mès suenh ara ora de recuèlher es manifestacions des conselhèrs, donques a viatges, dera manèra que son redigides (coma ei eth cas dera acta de deseme quan se parle dera installacion museistica o era acta de gèr quan se parle dera foncion des SAT o dera família Colomèrs), non an cap de sentit e non s'entenen. Non s'a de desbrembar qu'aguestes actes son era manifestacion deth desenvolopament des sessions, qu'an d'èster eth sòn fidèu reflèx e que constituissen un veritable testimòni entàs futures generacions.

Un còp efectuades aguestes manifestacions, se prepausa ath Plen deth Conselh era aprobacion des actes abantes nomentades damb es observacions realizades. Un còp sotmetuda era prepausa a votacion e debat, eth Plen deth Conselh acòrde per unanimitat des presents:

- Aprovar era acta dera session plenària ordinària realizada eth dia 21 de deseme de 2005.
- Aprovar era acta dera session plenària extraordinària realizada eth dia 27 de gèr de 2006.

2au.- BALHAR COMPDE DES DECRÈTS DE SINDICATURA.-

Cossent damb çò que previè er article 42 deth Reiau decret 2568/1986, de 28 de noveme, peth quau s'apròve eth Reglament d'Organizacion, Funcionament e Regim Juridic des Corporacions Locaus, se balhe compde ath Plen deth Conselh des resolucions de Sindicatura següentes, corresponentes a part deth mes de deseme der an 2005 e ath mes de gèr e a part deth mes de hereuèr der an 2006:

NUM.	DATA	RESUM
377	19/12/2005	Reconeishment triènni a efèctes retributius (15/12/2002-15/12/2005) dera funcionària Sra. Ana de Miguel Roig.
378	19/12/2005	Aprobacion diuèrses ajudes atencion domiciliària: des deth dia 01/01/06 enquiath 30/03/06, damb un prètz/ora de 7,00 € e de 3 a 14 ores/setmanaus. Aprobacion diuèrses ajudes atencion domiciliària: des deth dia 01/01/06 enquiath 30/03/06, damb un prètz totau de 180,30 €/mes.
379	19/12/2005	Devolucion ingrèssi indegudi lordères, exercici 2004, ara Sra. Maribel Pelegrin Safont, per un impòrt de 7,17 €
380	19/12/2005	Devolucion ingrèssi indegudi lordères, exercicis 2004 e 2005, ath Sr. José Antonio Rojas Ruiz, per un impòrt de 111,72 €
381	19/12/2005	Devolucion de garanties definitives depausades entà respòner de diuèrsi contractes d'execucion d'òbra, de servicis e de subministrament, per un impòrt globau de 22.972,27 €
382	19/12/2005	Autorizacion pagament vals de minjador, exercici 2005, ath personau funcionari traspasat dera Generalitat de Catalunya ath Conselh Generau d'Aran per un impòrt globau de 489,30 €
383	19/12/2005	Aprobacion Plan Annau Profitaments Forestaus des Montes d'Utilitat Publica dera Val d'Aran, exercici 2006.
384	19/12/2005	Generacion de crèdits (Convèni ajuntament Naut Aran:

mielhora accèssi), per un impòrt de 18.987,00 €
Generacion de crèdits (Convèni Joenessa: Plan Comarcau 2005), per un impòrt de 19.192,70 €

- 385 19/12/2005 Concession accés servici acuelhement residenciau: Sr. Francisco Berart Delaurens des deth 21/12/2005 enquiara resolucion definitiva Departament de Benestar Sociau e Família.
- 386 20/12/2005 Autorizacion pagament tiquets entà assistir concèrt a favor entitat benefica, per un impòrt de 90,00 €
- 387 20/12/2005 Autorizacion pagament complement productivitat personau foncionari e personau laborau traspasadi dera Generalitat de Catalunya ath Conselh, exercici 2005, per un impòrt globau de 4.403,53 €
- 388 20/12/2005 Contractacion laborau servici determinat dera Sra. Sara Arjó Francés, coma Agent de Desvolopament Locau (tecnica), des deth dia 21/12/2005 enquiara finalizacion dera subvencion.
- 389 20/12/2005 Contractacion laborau servici determinat deth Sr. Iván Moner Seira, coma tecnic especialiste, cossent damb eth Convèni damb eth Servici Meteorologic deth dia 20/12/2005 damb ua durada maxima de sies mesi.
- 390 21/12/2005 Concession permís de lactància d'ua ora d'absència diària ara foncionària Sra. Mercè Vidal Supervia, des deth dia 21/12/2005 enquiath dia 30/05/2006.
Concession reduccion d'un tèrç jornada, des deth dia 21/12/2005 enquiath dia 30/08/2006, entà auer suenh deth sòn hilh ara foncionària Sra. Mercè Vidal Supervia.
- 391 21/12/2005 Autorizacion pagament diètes, locomocion e desplaçaments, noveme 2005 des membres elèctes, personau eventuai e personau foncionari e laborau deth Conselh, per un impòrt de 4.231,55 €
- 392 21/12/2005 Autorizacion pagament indemnizacions e assisténcias as conselhèrs elèctes, noveme 2005, per un impòrt de 1.622,70 €
- 393 21/12/2005 Convocatòria session ordinària Conselh de Govèrn entath dia 27 de deseme de 2005, tàs 11:00 ores.
- 394 21/12/2005 Reconeishment triènni a efèctes retributius (18/11/2002-18/11/2005) dera foncionària Sra. Roser Faure Limiñana
- 395 21/12/2005 Autorizacion pagament limpiesa regulara Parc Pompièrs de Vielha, exercici 2005, ara Associacion de Pompièrs dera Val d'Aran, per un impòrt de 9.012,42 €

- 396 21/12/2005 Rectificacion decret 376/2005, de 16 deseme: includiment deth punt "Aprobacion, se procedís, dera mocion presentada peth grop politic d'UA, sus es servicis de biblioteca ena Val d'Aran" ena Orde deth dia deh Plen Ordinari deth dia 21 de deseme de 2005.
- 397 22/12/2005 Nomentament damb caractèr accidentau entà exercir era Secretaria deth Sr. Enric Pèrez Llas per abséncia dera secretària titulara des deth dia 23 de deseme de 2005 ath dia 5 de gèr de 2006, andús includidi.
- 398 23/12/2005 Contractacion laborau urgenta des Sr. Carlos Adalid Berart, Sr. Antonio Cavero Sáez e Sr. Manuel Broto Salgueiro, coma guides de miei ambient, laguens deth programa de Plans d'Acupacion, des deth dia 24/12/2005 damb ua durada maxima de sies mesi.
- 399 26/12/2005 Autorizacion pagament loguèr annau des terrenes plaçadi en Portilhon, per un impòrt globau de 187,07 €
- 400 26/12/2005 Devolucion ingrèssi indegudi ETEVA, matricula 2005, ara Sra. Aurora Redondo Maurelos, per un impòrt de 300,00 €
Devolucion ingrèssi indegudi ETEVA, matricula 2005, ath Sr. Ramon Barella Marsol, per un impòrt de 300,00 €
Devolucion ingrèssi indegudi ETEVA, matricula 2005, ath Sr. Pau Gómez Serra, per un impòrt de 120,00 €
Devolucion ingrèssi indegudi ETEVA, matricula 2005, ath Sr. Juan Manuel Moga, per un impòrt de 160,00 €
- 401 27/12/2005 Contractacion laborau urgenta deth Sr. Clemente Saforcada Abadia, coma peon, laguens deth programa de Plans d'Acupacion, des deth dia 27/12/2005 damb ua durada maxima de sies mesi.
- 402 30/12/2005 Autorizacion e pagament transferéncia correnta ar organisme autonòm SERVICI ARANÉS DERA SALUT per un impòrt de 773.691,71 €
- 403 30/12/2005 Generacion de crèdits (imprevisti), per un impòrt de 7.927,67 €
Generacion de crèdits (recorsi eventuaus), per un impòrt de 17.100,00 €
Generacion de crèdits (intèressi de demora), per un impòrt de 3.100,00 €
Generacion de crèdits (prètzi publics ETEVA), per un impòrt de 5.000,00 €
Generacion de crèdits (interèssi depòsits bancaris), per un impòrt de 14.200,00 €
Generacion de crèdits (concession elipòrt Val d'Aran), per un impòrt de 13.152,95 €

- 404 30/12/2005 Contractacion laborau servici determinat dera Sra. Laura Caubet Berdié, coma administrativa, entà méter en marcha eth programa informatic de Registre de Personau des deth dia 01/01/2006.
- 405 30/12/2005 Aprobacion relacion factures, deseme 2005, per un impòrt de 455.962,43 €
- 406 30/12/2005 Autorizacion e pagament de 9.600,90 € per atencions assistenciaus ara tresau edat, deseme 2005.
Autorizacion e pagament de 502,50 € per ajudes ara proteccion dera infància, deseme 2005.
- 407 30/12/2005 Anullacion fases “AD” de diuèrsi crèdits entà incorporar-los coma crèdits disponibles der exercici 2005, per un impòrt totau de 166.420,35 €
Anullacion fasa “A” de diuèrsi crèdits entà incorporar-los coma crèdits disponibles der exercici 2005, per un impòrt totau de 266.201,94 €
- 408 30/12/2005 Nomentament coma funcionària deth Conselh, damb efèctes des deth dia 01/01/2006, ara Sra. Judith Barrera Boya, damb era categoria d’administrativa, grop C, escala administracion generau, subescala administrativa.
- 409 30/12/2005 Nomentament coma funcionari deth Conselh, damb efèctes des deth dia 01/01/2006, ath Sr. Iván Revilla García, damb era categoria d’auxiliar administratiu, grop D, escala administracion generau, subescala auxiliara.
- 410 30/12/2005 Rectificacion decret 366/2005, de 5 de deseme: híger 18.125,00 € en concèpte de compensacion d’ores extraordinàries des pompièrs enes meses d’agost e seteme de 2005.
- 411 30/12/2005 Autorizacion pagament indemnizacions mesadèras as conselhèrs elèctes, deseme 2005, per un impòrt de 1.676,90 €
Autorizacion pagament assisténcias as conselhèrs elèctes, seteme/octobre 2005, per un impòrt de 1.742,90 €
- 412 30/12/2005 Autorizacion pagament indemnizacions, 4au trimestradèr 2005, as grops politics damb representacion en Conselh, per un impòrt de 6.941,55 €
- 413 30/12/2005 Diuèrses transferéncias de crèdits en estat de despenes, per un impòrt totau de 14.350,00 €

- 414 30/12/2005 Contractacion laborau urgenta deth Sr. Gil Oró Sala, coma oficiau 1au, laguens deth programa de Naus Jaciments d'Aucupacion, des deth dia 30/12/2005 enquiara finalizacion dera òbra o servici determinat.
- 415 30/12/2005 Autorizacion pagament complement productivitat personau foncionari e laborau deth Conselh, exercici 2005, per un impòrt globau de 16.735,29 €
- 416 30/12/2005 Prorròga pressupòst 2005.
- 01 04/01/2006 Devolucion ingrèssi indegudi licéncia pesca 2005, ath Sr. Gabino Ares Basanta, per un impòrt de 20,00 €
- 02 04/01/2006 Autorizacion e pagament transferéncia correnta ara Associacion de Discapacitats d'Aran (ADDA) per un impòrt de 30.000,00 €
- 03 04/01/2006 Concession permís de lactància d'ua ora d'abséncia diària ara foncionària Sra. Veronica Barés Moga, des deth dia 21/12/2005 enquiath dia 19/06/2006.
Concession reduccion d'un tèrç jornada, des deth dia 09/01/2006 enquiath dia 19/09/2006, entà auer suenh deth sòn hilh ara foncionària Sra. Veronica Barés Moga.
- 04 09/01/2006 Prorròga contractacion laborau circumstàncies produccion: Sr. Antonio Morales Maldonado, coma peon de recuelhuda de lordères, des deth dia 10/01/2006 enquiath dia 09/04/2006.
- 05 09/01/2006 Reconeishment triènni a efèctes retributius (31/12/2002-31/12/2005) deth foncionari Sr. Enric Pérez Llas.
- 06 11/01/2006 Convocatòria session ordinària deth Conselh de Govèrn entath dia 17 de gèr de 2006, tàs 10:00 ores.
- 07 13/01/2006 Prorròga contractacion laborau circumstàncies produccion: Sra. Rosa M. Tremosa Sambeat, coma guida culturau, des deth dia 16/01/2006 enquiath dia 15/03/2006.
Prorròga contractacion laborau circumstàncies produccion: Sra. Antònia Sánchez Muñoz, coma subaltèrna, des deth dia 16/01/2006 enquiath dia 15/03/2006.
- 08 13/01/2006 Contractacion laborau servici determinat dera Sra. Sònia Fontà Monge, coma auxiliara administrativa, entà regularizar eth procés des escuts dera Val d'Aran des deth dia 16/01/2006 enquiara finalizacion deth servici.
- 09 13/01/2006 Devolucion ingrèssi indegudi lordères, exercicis 2003, 2004 e 2005 ara EMD de Gessa, per un impòrt totau de 155,15 €

- 10 17/01/2006 Convocatòria session extraordinària Comission Informativa Permanenta de Servicis Generaus entath dia 20 de gèr de 2006, tàs 12:00 ores.
- 11 19/01/2006 Reconeishment antiguetat dera foncionària Sra. Judith Barrera Boya.
- 12 23/01/2006 Autorizacion pagament diètes, locomocion e desplaçaments, gèr 2006, des membres elèctes, personau eventuaue e personau foncionari e laborau deth Conselh, per un impòrt totau de 4.617,17 €
- 13 23/01/2006 Convocatòria session extraordinària Plen deth Conselh entath dia 27 de gèr de 2006, tàs 12:00 ores.
- 14 23/01/2006 Reconeishment triènni a efèctes retributius (01/01/2003-01/01/2006) deth personau laborau Sr. Jordi Gavaldà Bordes.
- 15 23/01/2006 Aprobacion dera liquidacion d'ingrès directe dera taxa deth servici de minjador escolar, noveme 2005, per un impòrt de 8.545,73 €
- 16 25/01/2006 Devolucion ingrèssi indegudi servici minjador escolar, ara Sra. Maria Pilar Jiménez Bautista, per un impòrt de 42,30 €
- 17 25/01/2006 Autorizacion ath Centre de Telecomunicacions e Tecnologies dera Informacion dera Generalitat de Catalunya entà aucupar temporauments ua superfícia totau de 862 m² sus eth M.U.P. num. 300 "Sèuva e Aubaga" d'Unha entar establiment d'ua edificacion.
- 18 27/01/2006 Autorizacion e pagament auançat as AMPAS dera Val d'Aran d'un impòrt de 9.600,00 € entà hèr front as despènes annaus deth servici de minjador escolar.
- 19 27/01/2006 Reconeishment triènni a efèctes retributius (01/02/2003-01/02/2006) dera foncionària Sra. Lluïsa Estévez Sans.
- 20 27/01/2006 Aprobacion dera liquidacion d'ingrès directe dera taxa deth servici de minjador escolar, deseme 2005, per un impòrt de 4.899,66 €
- 21 27/01/2006 Autorizacion, disposicion e pagament transferéncia correnta ar organisme autonòm SERVICI ARANÉS DERA SALUT per un impòrt de 2.043.277,69 €
- 22 27/01/2006 Nomentament damb caractèr accidentau entà exercir era Intervencion deth Conselh dera Sra. Anna Llinàs Rovira per abséncia der interventor titular des deth dia 30 de gèr de 2006 enquia que sigue dat de nauta d'ua operacion.

- 23 30/01/2006 Autorizacion pagament ores extraordinàries Parcs Pompièrs, 3au trimestradèr exercici 2005, per un impòrt totau de 18.865,00 €
- 24 30/01/2006 Finalizacion sason de caça 2005/2006 en tota era Val d'Aran a partir deth dia 30 de gèr de 2006.
- 25 30/01/2006 Devolucion ingrèssi indegudi ETEVA, pròves d'accès, as Sr. Daniel Baison Fernández, Sr. Jonte Leonardo Gabriel, Sr. Rafael Loyo Ezquerro e ara Sra. Elsa Villalba Andújar, per un impòrt totau de 360,00 €
Devolucion ingrèssi indegudi ETEVA, matricula 2005, ath Sr. L. Álvarez Vivancos, per un impòrt de 1.140,00 €
Devolucion ingrèssi indegudi ETEVA, matricula 2005, ath Sr. Arturo Rodríguez Urtizberea e ara Sra. Dolors Lax Andújar, per un impòrt totau de 1.920,00 €
- 26 31/01/2006 Aprobacion ajudes individuaus minjador escolar (100%) per motius sòcioeconomicas as mainatges Omar Salazar Ventiades, Neus Tremosa Muñoz e Sílvia Paola Paniagua Medina des deth dia 10/01/2006 enquiara finalizacion deth cors escolar.
- 27 31/01/2006 Aprobacion ajuda atencion domiciliària: Sr. Armando Nicolás Salmerón, des deth 29/12/2005 enquiath sòn traslat a centre especializat.
Aprobacion ajuda atencion domiciliària: Sra. Celia García Gascueña, des deth 01/01/2006 enquiath 31/12/2006, damb un prètz/ora de 7,00 € e 3 ores setmanaus.
Aprobacion ajuda atencion domiciliària: Sra. Marcela Puyol Medan, des deth 01/01/2006 enquiath 31/12/2006, damb un prètz/ora de 7,00 € e 5 ores setmanaus.
Aprobacion ajuda atencion domiciliària: Sra. Teresa Delafuente Miguel, des deth 02/01/2006 enquiath 31/03/2006, damb un prètz/ora de 7,00 € e 14 ores setmanaus.
- 28 31/01/2006 Aprobacion relacion factures, gèr 2006, per un impòrt de 739.758,63 €
- 29 31/01/2006 Autorizacion e pagament de 10.390,28 € per atencions assistenciaus ara tresau edat, gèr 2006.
Autorizacion e pagament de 434,10 € per ajudes ara proteccion dera infància, gèr 2006.
Autorizacion e pagament de 755,97 € per ajudes entath servici de teleassisténcia, gèr 2006.
- 30 02/02/2006 Compensacion taxa lordères, exercicis 1997-2005, ath Sr. Juan A. Niñerola Xuclà, per un impòrt de 3.593,59 € damb ua factura pendent de pagament de 4.831,03 €

- | | | |
|----|------------|---|
| 31 | 02/02/2006 | Convocatòria session ordinària deth Conselh de Govèrn entath dia 7 de hereuèr de 2006, tàs 10:30 ores. |
| 32 | 06/02/2006 | Inici procediment Aufèrta Publica d'Aucupacion deth Conselh Generau d'Aran, exercici 2006. |
| 33 | 08/02/2006 | Excedéncia voluntària per interés particular dera treballadora Sra. Eugénia Broto Estampa, a compdar des deth dia 9 de hereuèr de 2006. |
| 34 | 10/02/2006 | Contractacion laborau circumstàncies produccion: Sra. Maria Soledad Maurelos, coma limpiadora, des deth dia 13/02/2006 enquiath dia 12/05/2006. |
| 35 | 14/02/2006 | Contractacion laborau urgenta: Sra. Sílvia Solà Santa Olalla, coma arquitecta, laguens deth programa de Naus Jaciments d'Aucupacion, des deth dia 14/02/2006 enquiara finalizacion deth servici determinat. |
| 36 | 14/02/2006 | Convocatòria session ordinària Comission Informativa Permanenta de Servicis Generaus entath dia 17 de hereuèr de 2006, tàs 12:00 ores. |
| 37 | 17/02/2006 | Convocatòria session ordinària Plen deth Conselh entath dia 22 de hereuèr de 2006, tàs 12:00 ores. |

Eth Plen deth Conselh se da per assabentat.

3au.- APROBACION, SE PROCEDÍS, DETH COMPDE GENERAU, ANÈXES E ESTATS DETH CONSELH GENERAU D'ARAN CORRESPONENTS AR EXERCICI DER AN 2004.-

Dat que s'a confeccionat eth Compde Generau corresponent ar exercici der an 2004 eth quau ei integrat pes Estats de Compdes, es Anèxes corresponents e es justificants des Estats e Compdes Annaus previsti ena Instruccion de Compdabilitat.

Dat qu'aguest Compde Generau der exercici 2004 ei integrat peth deth pròpri Conselh Generau d'Aran, es des sòns organismes autònoms ["Patronat de Promocion e Dinamizacion Economicosociau dera Val d'Aran", "Torisme Val d'Aran" e "Servici Aranés dera Salut"], atau coma es des sues societats mercantiles intègrament participades ["Servicis Ambientaus dera Val d'Aran, S.L.", "Torisme Juvenil Val d'Aran, S.L.", "Transport e Emergències Sanitàries dera Val d'Aran, S.L." e "Aran Salut, Servicis Assistenciaus Integrats, S.L."].

Dat que s'a informat favorablament aguest Compde Generau pera Comission d'Oïdors de Compdes en session realizada eth dia 25 de noveme de 2005.

Dat qu'eth Compde Generau nomenat s'a expausat ath public en Botletin Oficiau dera Província num. 176, de 24 de deseme de 2005, sense que s'age produisit cap de reclamacion, allegacion ne observacion, dera quau causa ne demore constància exprèssa en expedient.

A prepausa dera Sindicatura d'Aran e cossent damb çò que previen es articles 208 e següents deth Reiau decret legislatiu 2/2004, de 5 de març, peth quau s'apròve eth tèxte rehonut dera Lei Reguladora des Isendes Locaus e er article 6au dera Lei 6/1984, de 5 de març, dera Sindicatura de Compdes, cossent damb era redaccion dada pera Lei 15/1991, de 4 de junhsèga, atau coma eth dictamen favorable dera Comission Informativa Permanenta de Servicis Generaus deth Conselh de 17 de hereuèr de 2006, se prepausa ath Plen deth Conselh era aprobacion definitiva deth Compde Generau corresponent ar exercici 2004 deth Conselh Generau d'Aran. Un còp sotmetuda era prepausa a votacion e debat, s'obtien **sies (6) vòts a favor** deth sindic e des conselhèrs Mgf. Sr. Francesc Medan Juanmartí, Mgf. Sr. Víctor Leon Plana, Mgf. Sr. Francesc Vidal Vergés, Mgfca. Sra. Mercedes Delaurens Deó e Mgf. Sr. Arturo Sánchez Farré e **sies (6) abstencions** des conselhèrs Mgf. Sr. Francés Boya Alòs, Mgf. Sr. Rufino Martínez Cau, Mgf. Sr. Antonio Asensio Pujol, Mgf. Sr. Hipólito Cruces Socasau, Mgf. Sr. Manel Rocher González e Mgf. Sr. Emili Sanllehy Meya, pera quau causa *s'acòrde per majoria absoluta*:

Prumèr.- Aprovar definitivament eth Compde Generau deth Conselh Generau d'Aran corresponent ar exercici 2004, enes tèrmes que figuren en informe dera Intervencion de Hons de 20 d'octobre de 2005.

Dusau.- Dar traslat dera acta dera Comission d'Oïdors de Compdes e d'aguest acòrd ara Sindicatura de Compdes dera Generalitat de Catalunya as efèctes oportuns.

4au.- APROBACION, SE PROCEDÍS, DERA AUFÈRTA PUBLICA D'AUCUPACION DETH CONSELH GENERAU D'ARAN, EXERCICI 2006.-

Pren era paraula era secretària entà manifestar que i a agut un error ena transcripcion d'aguesta prepausa pr'amor que non s'an includit es quate places de promocion intèrna (dus places de tecnicos superiors e dus places de tecnicos de gestion), e que calerie que tanben se votèssen en aguesta prepausa. Eth Plen per unanimitat non met cap tipe d'inconvenient ad aguesta situacion.

Cosset damb çò que dispausen er article 91 dera Lei 7/1985, de 2 d'abriu, Reguladora des Bases de Regim Locau, er article 18 dera Lei 39/1984, de 2 d'agost, de Mesures Urgentes entara Reforma dera Foncion Publica, er article 128.1 deth Reiau decret legislatiu 781/1986, de 18 d'abriu, peth quau s'apròve eth tèxte rehonut des disposicions legaus vigentes en matèria de regim locau, es articles 285 e següents deth Decrèt legislatiu 2/2003, de 28 d'abriu, peth quau s'apròve eth tèxte rehonut dera Lei Municipau e de Regim Locau de Catalunya e es articles 28, 56 e següents deth Decrèt 214/1990, de 30 de junhsèga, peth quau s'apròve eth Reglament deth Personau des Ens Locaus de Catalunya, atau coma eth dictamen favorable des membres presents dera Comission Informativa Permanenta de Servicis Generaus deth Conselh de 17 de hereuèr de 2006, se prepausa ath Plen deth Conselh era aprobacion dera aufèrta publica d'aucupacion deth Conselh Generau d'Aran entar exercici 2006. Un còp sotmetuda era prepausa a votacion e debat, eth Plen deth Conselh *acòrde per unanimitat* des presents:

Prumèr.- Aprovar era Aufèrta Publica d'Aucupacion deth personau ath servici deth Conselh Generau d'Aran entar exercici 2006, qu'includís es lòcs de trabalh vacants d'accès reservadi a foncionaris/àries e a personau laborau e que comprén es places qu'ara seguida s'especificuen:

A) *Foncionaris de carrèra*

Denominacion	Grop/CD	Classificacion	Num. vacantes
Guardes de miei ambient	D/14	Administracion Especiau Subescala Serv. Especiaus	2
Administratiu/iva	C/12	Administracion Generau Subescala administrativa	1

B) *Personau laborau fix*

Denominacion/Categoria professionau	Grop	Num. vacantes
Arquitècte/a tecnic/a	B/22	1
Oficiau mantieniment parcs	D/14	2
Subaltèrn/a Musèu	E/8	2
Tecnic/a superior/a	A/21	1

C) *Promocion intèrna (personau foncionari)*

Denominacion	Grop/CD	Classificacion	Num. vacantes
Tecnic/a superior	A/22	Administracion Especiau Subescala tecnica	1
Tecnic/a de gestion	B/20	Administracion Generau Subescala administrativa	2

D) *Promocion intèrna (personau laborau)*

Denominacion/Categoria professionau	Grop	Num. vacantes
Tecnic/a superior/a	A/21	1

Dusau.- Procedir ara sua publicacion reglamentària en BOE, en BOP e en DOGC, en tot traméer-ne còpia ara Direccion Generau d'Administracion Locau deth Departament de Governacion e Relacions Institucionaus dera Generalitat de Catalunya as efèctes oportuns.

Tresau.- Aplicar ad aguesta aufèrta d'aucupacion e as subsegüentes convocatòries de pròves selectives que poguen èster acordades, es previsions dera legislacion d'integracion social des persones damb limitacions fisiques o psiquiques, dehòra des cassi en qué sigue incompatibla damb es foncions o prètzhèts corresponents, en tot garantir, en tot cas, es principis constitucionaus de merit, capacitat, parietat e publicitat.

Quatau.- Entà cada lòc de trabalh se remèrquen successivament es donades següentes: denominacion deth lòc de trabalh; entath personau funcionari, grop de classificacion segontes er article 25 dera Lei 30/1984, e entath personau laborau, categoria, qu'ei identica per çò que hè a denominacion e definicion as grups de classificacion des funcionaris; titulacion exigida; numerò de vacantes reservades ath tòrn liure e/o ath tòrn de promocion intèrna e sistèma de seleccion.

5au.- APROBACION, SE PROCEDÍS, DES BASES GENERAUS QU'AN DE REGIR ES PROCÈSSI SELECTIUS DETH PERSONAU FONCIONARI E LABORAU DETH CONSELH GENERAU D'ARAN, EXERCICI 2006.-

Examinades es bases generaus dera convocatòria publica qu'a de regir es procèssi selectius deth personau funcionari e deth personau laborau dera plantilha deth Conselh Generau d'Aran dera aufèrta publica d'aucupacion der exercici 2006 e trapades conformes, cossent damb çò que previen es articles 286 e següents deth Decrèt legislatiu 2/2003, de 18 d'abriu, peth quau s'apròve eth Tèxte rehonut dera Lei Municipau e de Regim Locau de Catalunya, es articles 70 e següents deth Decrèt 214/1990, de 30 de junhsèga, peth quau s'apròve eth Reglament deth Personau ath Servici des Entitats Locaus, e er article 10.1 dera Lei 16/1990, de 13 de junhsèga, sus eth Regim Especial dera Val d'Aran, atau coma damb eth dictamen favorable dera Comission Informativa Permanenta de Servicis Generaus deth Conselh de 17 de hereuèr de 2006, se prepausa ath Plen deth Conselh era aprobacion des bases mès ensús nomentades. Un còp sotmetuda era prepausa a votacion e debat, eth Plen deth Conselh *acòrde per unanimitat* des presents:

Prumèr.- Aprovar es bases generaus qu'auràn de regir era convocatòria publica entara seleccion entà accedir as places vacantes de personau funcionari deth Conselh Generau d'Aran que figuren ena aufèrta publica d'aucupacion der exercici 2006.

Dusau.- Aprovar es bases generaus qu'auràn de regir era convocatòria publica entara seleccion entà accedir as places vacantes de personau laborau deth Conselh Generau d'Aran que figuren ena aufèrta publica d'aucupacion der exercici 2006.

Tresau.- Publicar aquestes bases en BOP e en DOGC as efèctes oportuns.

6au.- APROBACION, SE PROCEDÍS, DERA CREACION E COMPOSICION DERA COMISSION ENCARGADA D'ESTUDIAR ES SERVICIS DE BIBLIOTÈQUES ENA VAL D'ARAN.-

Pren era paraula eth conselhèr Mgrc. Sr. Francés Boya Alòs entà manifestar era sua creença ena bona idèa que consistís era creacion d'aguesta Comission, mès que calerie concretar e acotar en temps eth resultat des trabalhs que s'agen d'obtier.

Cosset damb çò expausat, e dat qu'en Plen ordinari de 21 de deseme de 2005 se prepausèc arribar a un acòrd amassa de toti es grops politics sus er ahèr deth hilat de bibliotèques en territòri dera Val d'Ara.

En compliment de çò acordat ena session anteriorament nomentada, se prepausa ath Plen deth Conselh, cosset damb eth dictamen favorable dera Comission Informativa Permanenta de Servicis Generaus deth Conselh de 17 de hereuèr de 2006 era creacion e composicion d'aguesta Comission. Un còp sotmetuda era prepausa a votacion de debat, eth Plen deth Conselh *acòrde per unanimitat* des presents:

Prumèr.- Constituir una Comission planificadora encargada de redigir eth document base qu'a de contemplar eth plan generau deth sistèma de bibliotèques d'Aran, era sua coordinacion, atau coma era avaloracion deth sòn finançament.

Dusau.- Nomentar coma membres dera Comission prevista en apartat prumèr as persones qu'ara seguida s'especificuen:

- Sr. Carlos Barrera Sánchez, sindic d'Aran o persona en qui delègue.
- Sr. Francés Boya Alòs; portavèu deth grop politic UA o persona en qui delègue.
- Sr. Emili Sanllehy Meya, portavèu deth grop politic PRAG o persona en qui delègue.
- Sr. Jusèp Loïs Sans Socasau, cap deth departament d'Ensenhament e de Cultura deth Conselh o persona en qui delègue.

Tresau.- Un viatge arribat a un acòrd consensuat en un tèrme maxim de tres (3) mesi a compdar des deth mes de març, se darà traslat deth document que se redige entath coneishement de toti es ajuntaments dera Val d'Aran entà que i poguen participar e acòrden çò que considèren mès avient ath respècte.

Quatau.- Dar traslat deth document resultant ara Generalitat de Catalunya as efèctes oportuns.

7au.- RATIFICACION, SE PROCEDÍS, DETH NONENTAMENT DERA PRESIDENTA DERA SECCION D'ISTÒRIA DER INSTITUT D'ESTUDIS ARANESI.-

Eth passat diuendres dia 10 de hereuèr de 2006, concludic eth procés d'eleccion deth/dera President/a dera Seccion d'Istòria der Institut d'Estudis Aranesi, en tot èster escuelhuda era Sra. Maria Pau Gómez Ferrer.

Dat qu'er article 12.d) deth Reglament regulador dera Seccion d'Istòria der Institut d'Estudis Aranesi dispause que “un viatge acabada era eleccion se lheuarà eth resultat ath Conselh Generau d'Aran entara sua ratificacion”, damb eth dictamen favorable dera Comission Informativa Permanenta de Servicis Generaus deth Conselh de 17 de hereuèr de 2006, se prepausa ath Plen deth Conselh ratificar aguest nomentament. Un còp sotmetuda era prepausa a votacion e debat, eth Plen deth Conselh *acòrde per unanimitat* des presents:

Prumèr.- Ratificar eth nomentament coma Presidenta dera Seccion d'Istòria der Institut d'Estudis Aranesi dera Sra. Maria Pau Gómez Ferrer.

Dusau.- Hèr public aguest nomentament as efèctes oportuns.

8au.- NONENTAMENT, SE PROCEDÍS, D'UN NAU MEMBRE DERA SECCION DE LINGÜISTICA DER INSTITUT D'ESTUDIS ARANESI.-

Dat qu'eth passat dia 22 de noveme de 2005, eth Sr. Jordi Suïls Subirà, membre dera seccion de lingüística der Institut d'Estudis Aranesi, presentèc era sua dimission per motius personaus, motius que son explicadi en carta adreçada ath sindic d'Aran e ath president dera Seccion de Lingüística der Institut d'Estudis Aranesi, Sr. Frederic Vergés Bartau

Dat qu'er article 2.e) deth Reglament regulador dera Seccion de Lingüística der Institut d'Estudis Aranesi dispause qu'entath nomentament de nauis membres “era prepausa serà lheuada ath Conselh Generau d'Aran entara sua avaloracion, acompanhada deth corresponent rasonament e der informe dera amassada ena quau se hèn aguesta prepausa”, damb eth dictamen favorable dera Comission Informativa Permanenta de Servicis Generaus deth Conselh de 17 de hereuèr de 2006, se prepausa ath Plen deth Conselh era aprobacion d'un nau membre dera Seccion de Lingüística der Institut d'Estudis Aranesi, cossent damb es recomanacions deth departament de lingüística d'aguest Institut. Un còp sotmetuda era prepausa a votacion e debat, eth Plen deth Conselh *acòrde per unanimitat* des presents:

Prumèr.- Nomentar coma nau membre dera Seccion de Lingüística der Institut d'Estudis Aranés ath Sr. Aitor Carrera.

Dusau.- Hèr public aquest nomentament as efèctes oportuns.

9au.- NONENTAMENT, SE PROCEDÍS, D'UN NAU REPRESENTANT DERA CORPORACION EN CONSELH D'ADMINISTRACION DERA SOCIETAT MERCANTILA "TORISME JUVENIL VAL D'ARAN, S.L.".-

Dada era dimission per motius personaus deth Sr. Miquèu Barra Daunes coma conselhèr deth Conselh Generau d'Aran e era sua sustitucion peth conselhèr Mgfc. Sr. Emili Sanllehy Meya, cau procedir ath sòn nomentament coma nau representant en Conselh d'Administracion dera societat mercantila "Torisme Juvenil Val d'Aran, S.L.", en tot substituir ath dejà nomenat Sr. Miquèu Barra Daunes.

Dat qu'er article 17 des Estatuts reguladors dera societat mercantila "Torisme Juvenil Val d'Aran, S.L." dispause qu'aguesta societat ei regida e administrada per un Conselh d'Administracion format per un maxim de tres e un maxim de nau membres escuelhuts peth Plen deth Conselh, en foncions de Junta Generau dera societat, qu'ath delà aurà de concretar es sòns nòms, presidits peth sindic d'Aran, en tot híger er article 19 qu'es administradors exerciràn eth sòn cargue per un periòde de quate ans coincidents damb cada renauda electorau se ben perderàn aquesta condicion quan perden era condicion de membres dera corporacion.

Cossent damb çò expausat, se prepausa ath Plen deth Conselh, en foncions de Junta Generau dera societat mercantila "Torisme Juvenil Val d'Aran, S.L.", era aprobacion deth nomentament d'un nau vocau d'aquest Conselh d'Administracion. Un còp sotmetuda era prepausa a votacion e debat, eth Plen deth Conselh, en foncions de Junta Generau dera societat mercantila "Torisme Juvenil Val d'Aran, S.L.", *acòrde per unanimitat* des presents:

Prumèr.- Dat que cossent er article 19 des sòns Estatuts sociaus es administradors deth Conselh d'Administracion cessaràn automaticament se perdèssen era sua condicion de conselhèr deth Conselh Generau d'Aran, se constate eth cessament der administrador següent:

- Mgfc. Sr. Miquèu Barra Daunes, major d'edat, vesin d'Arties, damb demorança en carrèr des Banhs, s/n, e provist deth DNI num. 41.090.277-H, dada era sua renóncia volentària, per motius personaus, coma conselhèr deth Conselh Generau d'Aran.

Dusau.- Designar coma nau membre deth Conselh d'Administracion dera societat mercantila "Torisme Juvenil Val d'Aran, S.L.", ara persona que següís:

- Mgrc. Sr. Emili Sanllehy Meya, major d'edat, vesin de Garòs, damb demorança ena plaça Carrèra, 2, e provist deth DNI num. 39.282.096-M (en substitucion deth Sr. Miquèu Barra Daunes).

Tresau.- Hèr publics aguest cessament e nomentament en BOP e en DOGC as efèctes oportuns.

Comunicat en aguest moment eth nomentament efectuat, eth designat accèpte exprèssament eth cargue de membre deth Conselh d'Administracion dera societat mercantila "Torisme Juvenil Val d'Aran, S.L." e manifèste non èster incors en cap des causes d'incompatibilitat ne proibicion previstes ena legislacion vigenta, en especiau es que previé er article 58 dera Lei de Societats Limitades.

10au.- AHÈRS D'URGÈNCIA, SE N'I A.-

Pren era paraula eth conselhèr Mgrc. Sr. Francés Boya Alòs entà manifestar eth sòn supòrt ath sindic dauant era queisha qu'aguest a formulat a "Telefónica España, SA" sus era practica inexistència des servicis de mantieniment des linhes aerianes de telefonica existents ena Val d'Aran -linhes que presenten ua situacion patetica- e deth retard que patissen es òbres d'infraestructura viau degut a qu'aguesta companhia demore de forma incomprendible es desplaçaments des linhes afectades. Dauant aguest ahèr, eth conselhèr Boya prepausa que serie convenient efectuar ua mocion recolzada per toti es grops politics denonciant aguesta situacion e hèr-la arribar ad aguesta empresa donques era sua actitud deishe fòrça de desirar.

Cossent damb çò expausat e ara empara der article 91.4 deth ROF, concludit er examen des ahèrs includidi en orde deth dia e abantes de passar ath torn de pres e demandes, eth sindic sotmet ara consideracion deth Plen, per rasons d'urgència, ua ***mocion entà dar traslat d'un nau escrit a "Telefónica España, SA" sol·licitant ua sòrta de mielhores enes servicis de mantieniment des linhes aerianes de telefonica existents ena Val d'Aran.***

Cossent damb çò expausat, eth sindic sotmet a votacion era declaracion d'urgència d'aguest ahèr e eth Plen per unanimitat declare era urgència dera aprobacion d'aguesta mocion. Un viatge aprovada era urgència, se prepausa ath Plen deth Conselh aprova era mocion abantes nomentada. Un còp sotmetuda era prepausa a votacion e debat, eth Plen deth Conselh acòrde per unanimitat des presents:

Prumèr.- Dar supòrt ar escrit de queisha qu'eth sindic d'Aran trametèc a "Telefónica España, SA" eth dia 16 de noveme de 2005 sus era practica inexistència des servicis de mantieniment des linhes aerianes de telefonica existents ena Val d'Aran -linhes que presenten ua situacion patetica- e deth retard que patissen es òbres d'infraestructura viau degut a qu'aguesta companhia demore de forma incomprensibla es desplaçaments des linhes afectades.

Dusau.- Qu'era companhia "Telefónica España, SA" establisque eth compromís que totes es sollicituds de desplaçament des linhes afectades pes òbres d'infraestructures viaus o d'interès generau que s'efectuen ena Val d'Aran siguen atiengudes d'ua forma prioritària.

(En aquest sentit, s'a d'auer present era realitat climatologica dera Val d'Aran pendent es mesi d'iuèrn que reduïssen de forma importanta era disponibilitat de temps entara execucion des òbres exteriores d'infraestructures.)

Tresau.- Sollicitar ara companhia "Telefonica España, SA" que formalize un Convèni de collaboracion damb eth Conselh Generau d'Aran entà qu'es servicis tecnicos deth Conselh hèsquen un inventari des situacions d'irregularitat des installacions mès importantes, en tot perméter d'aguesta forma que "Telefónica" pogue planificar eth traçat d'aguestes linhes corrèctament e damb eth menor impacte visuai possible.

(S'a d'auer en compde qu'eth creishement des nòstes nuclèus hè qu'es linhes interiores des poblacions s'agen de desplaçar des sòns lòcs d'anclatge. Aquesta situacion de provisionalitat s'alongue enes ans en tot convertir-se en un veritable laberint de cables que crotzen es façanes e es carrèrs e que supausen era evidéncia d'ua totau imprevision e inexistència de mantieniment adequat.)

Quatau.- Qu'era companhia "Telefónica España, SA", per çò que tanh as naues installacions, continue mantienent relacions de coordinacion tecnica damb es ajuntaments dera Val d'Aran entà compatibilizar es òbres de mielhora de viaus, en tot soterrar es linhes existents enes poblacions.

Cincau.- Que de forma prealabla a quinquèvolha modificacion de linhes existents o de naus subministraments qu'agen incidéncia en monuments istorics o en edificis singulars dera Val d'Aran, era companhia "Telefónica España, SA" se mete en contacte damb eth Conselh Generau d'Aran entà coordinar damb es ajuntaments afectadi es solucions o alternatives entà eliminar es linhes existents en aguesti edificis.

Siesau.- Notificar es acòrds anteriors ara companhia "Telefónica España, SA" as efèctes oportuns.

11au.- PRECS E DEMANDES.-

Pren era paraula eth conselhèr Mgfc. Sr. Francesc Boya Alòs entà demandar que, dat qu'enes darrèrs mesi s'a produsit era marcha de personau diuèrs deth Conselh, se dejà s'a produsit era sua substitucion ena organizacion dera corporacion.

Respon eth sindic qu'en cas concret deth tecnic de patrimonni, Sr. Toni Llanes, a estat substituït pera Sra. Elisa Ros; en cas dera cap de Servicis Generaus, Sra. Mariona Capdevila, era madeisha abantes de marchar, preparèc un equip de quate persones entà que s'encargue d'amiar a tèrme tot çò que se referís as tèmes qu'era gestionaue (recorsi umans, ajuts e subvencions, assegurancers, eca) mentre qu'es autes foncions mèns pròpies d'un cargue de confidança , seràn realizades peth director executiu. Finauments, per çò que se referís ath cap des Servicis d'Agricultura, Sr. Xavier Marco, remerque eth sindic qu'ei conscient que trapar un foncionari coma eth, damb un ample coneishement de tot çò relatiu ath miei ambient, ei dificil d'arténher. En tot cas, ditz eth sindic qu'en matèria d'agricultura e ramaderia eth responsable ei eth Sr. Eduardo García Nieto e en matèria de gestion d'aigües e sanejament, eth Sr. Joan Capdevila. Respècte as espècies protegides, s'a contractat extèrnament un expèrt coma ei eth Sr. Ivan Afonso, que trabalharà amassa en equip damb era Sra. Sara Arjó en tèmes de sensabilizacion ambientau e damb perspectives d'ampliar era sua responsabilitat en d'auti ahèrs.

Pren era paraula eth conselhèr Mgfc. Sr. Francés Boya Alòs entà rebrembar qu'es actes des Conselhs de Govèrn der an 2005 siguen trametudes, donques no les an.

Finauments, demande eth conselhèr Mgfc. Sr. Francés Boya Alòs quan aurà lòc era amassada entà parlar deth Parc de Visualizacion de Bossòst, ara quau causa eth sindic respon que tan lèu coma eth Sr. Claudio Racionero pogue, es conselhèrs seràn degudament convocadi.

E en non auer mèns ahèrs a tractar, se lhèue era session tàs dotze ores e trenta cinc minuts deth dia vint-e-dus de hereuèr de dus mil sies, dera quau s'estien aguesta acta signada peth sindic e jo, era secretària, que ne dongui fe.

Era secretària

Vist e platz
Eth sindic